



**NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOU IN DIE BANKETSAAL, MALMESBURY OP WOENSDAG, 19 JULIE 2023 OM 10:00**

---

**TEENWOORDIG:**

Uitvoerende Burgemeester, rdh J H Cleophas (voorsitter)  
Uitvoerende Onderburgemeester, rdl J M de Beer

Lede van die Burgemeesterskomitee:

Rdl D G Bess  
Rdl N Smit  
Rdh T van Essen  
Rdl A K Warnick

Ander raadslede:

Rdh M A Rangasamy (Speaker)

Beampes:

Munisipale Bestuurder, mnr J J Scholtz  
Direkteur: Finansiële Dienste, mnr M A C Bolton  
Direkteur: Elektriese Ingenieursdienste, mnr T Möller  
Direkteur: Siviele Ingenieursdienste, mnr L D Zikmann  
Direkteur: Beskermingsdienste, mnr P A C Humphreys  
Direkteur: Ontwikkelingsdienste, me J S Krieger  
Direkteur: Korporatiewe Dienste, me M S Terblanche  
Bestuurder: Sekreatriaat en Rekordsdienste, me N Brand

**1. OPENING**

Die voorsitter verwelkom lede en open die vergadering.

**2. VERLOF TOT AFWESIGHEID**

Geen.

**3. VOORLEGGINGS/AFVAARDIGINGS/SPREEKBEURTE**

Geen.

**4. NOTULES**

**4.1 NOTULE VAN 'N GEWONE UITVOERENDE BURGEMEESTERSKOMITEE-VERGADERING GEHOU OP 13 JUNIE 2023**

**BESLUIT**

(op voorstel van rdh T van Essen, gesekondeer deur rdl A K Warnick)

Dat die notule van 'n Gewone Uitvoerende Burgemeesterskomiteevergadering gehou op 13 Junie 2023 goedgekeur en deur die Uitvoerende Burgemeester onderteken word.

**5. SAKE VOORTSPRUITEND UIT DIE NOTULES**

**5.1.1 BEDRAG WERKLIK AFGESKRYF TEN OPSIGTE VAN DEERNISHUISHOUDINGS EN ANDER ONINVORDERBARE SKULDE (5/7/3)**

## 5.1.1/...

Die Uitvoerende Burgemeesterskomitee het op 13 Junie 2023 in beginsel goedkeuring verleen vir die afskrywing van oninbare skulde, onderhewig daaraan dat na die afhandeling van alle aksies, onder andere sosio-ekonomiese ondersoeke, die werklike bedrae voorgelê sal word.

**BESLUIT**

- (a) Dat kennis geneem word dat die bedrae wat werklik afgeskryf is ten opsigte van deernishuishoudings R3 761 748,91 beloop en ten opsigte van ander oninvorderbare skulde R244 409,30 beloop;
- (b) Dat kennis geneem word dat Swartland Munisipaliteit die reg voorbehou om enige bedrag wat afgeskryf is, weer terug te skryf na die betrokke debiteur en alle nodige stappe geneem sal word om die skuld in te vorder, indien dit vanaf datum van hierdie goedkeuring aan die lig kom dat –
  - (i) 'n huishouding nie aan die deerniskriteria voldoen het nie (soos bepaal in Hoofstuk 7 van die Deernisbeleid); of
  - (ii) 'n gedeelte van die skuld of die totale skuld van 'n debiteur nie korrek sou wees nie; of
  - (iii) enige inligting wat op datum van afskrywing nie aan die Uitvoerende Burgemeesterskomitee bekend was, wat daartoe sou lei dat die komitee die voorgelegde skuld nie vir afskrywing sou oorweeg nie;
- (c) Dat kennis geneem word dat indien 'n eiendom op welke wyse ookal vervreem sou word, Swartland Munisipaliteit die reg voorbehou om uitklaring op die betrokke eiendom te weerhou en die bedrae afgeskryf eers in te vorder, alvorens uitklaring op die betrokke eiendom gegee sal word. 'n Register is by die Eiendomsbelastingafdeling ingestel waarin gekontroleer word of daar ten opsigte van die betrokke uitklaring vir die voorafgaande twee jaar voor uitklaring, enige afskrywing was en dat indien wel, die afgeskryfde bedrag met die uitklaring verhaal word.

**6. MAANDVERSLAG: MEI 2023**

[Nota: Die prestasie- en finansiële inligting t.o.v. Kwartaal 4 word ingesluit in die artikel 52 MFMA-verslag wat op 27 Julie 2023 aan die Raad voorgelê sal word, vandaar die voorlegging van slegs addisionele verslae soos van toepassing op die betrokke direktorate.]

**6.1 SIVIELE INGENIEURSDIENSTE (7/1/2/2-4)****BESLUIT**

(op voorstel van rdl D G Bess, gesekondeer deur rdh T van Essen)

Dat kennis geneem word van die inhoud van die maandverslag van die Direkoraat: Siviele Ingenieursdienste ten opsigte van Mei 2023.

**6.2 ELEKTRIESE INGENIEURSDIENSTE (7/1/2/2-6)****BESLUIT**

(op voorstel van rdl D G Bess, gesekondeer deur rdh T van Essen)

Dat kennis geneem word van die inhoud van die maandverslag van die Direkoraat Elektriese Ingenieursdienste ten opsigte van Mei 2023.

**6.3 ONTWIKKELINGSDIENSTE (7/1/2/2-5)****BESLUIT**

(op voorstel van rdl D G Bess, gesekondeer deur rdh T van Essen)

Dat kennis geneem word van die inhoud van die maandverslag van die Direkoraat Ontwikkelingsdienste ten opsigte van Mei 2023.

**6.4 BESKERMINGSDIENSTE (7/1/2/2-3)****6.4.1 VERKEER- EN WETSTOEPASSINGSDIENS****6.4.2 BRANDWEERDIENSTE**

6.4/...

**BESLUIT**

(op voorstel van rdl D G Bess, gesecondeer deur rdh T van Essen)

Dat kennis geneem word van die inhoud van die maandverslag van die Direkoraat Beskermingsdienste ten opsigte van Mei 2023.

**7. NUWE SAKE**

**7.1 AANVAARDING VAN VERORDENING INSAKE ELEKTRISITEITSVOORSIENING (1/1; 1/1/3/16)**

Die konsep Verordening insake Elektrisiteitsvoorsiening is op 28 April 2023 aan die Raad voorgelê om 'n publieke deelnameproses te deurloop.

Die sluitingsdatum vir kommentaar was 26 Junie 2023 en geen insette/kommentaar is ontvang nie.

Die Verordening insake Elektrisiteitsvoorsiening is gewysig om, onder andere, in te sluit die regulering van elektriese opwekkingstoerusting en die tolkragverspreiding van elektrisiteit.

**BESLUIT** (vir aanbeveling aan die Raad op 27 Julie 2023)

- (a) Dat die volgende verordening aangeneem word deur die Raad, om in werking te tree op datum van afkondiging in die Provinsiale Koerant:
  - Swartland Munisipaliteit: Verordening insake Elektrisiteitsvoorsiening
- (b) Dat boetes vir ootredings van die verordening vasgestel word deur die Departement van Justisie.

**7.2 HERAANSTELLING VAN LID VAN PRESTASIE- EN RISIKO OUDITKOMITEE (11/1/3/1/7)**

Me R Gani is aangestel as lid van die Prestasie-, Risiko en Ouditkomitee met ingang van 1 Augustus 2020 vir 'n termyn van drie jaar.

MFMA Omsendbrief 65 gedateer 12 November 2012 moedig die rotasie van lede aan ten einde die onafhanklikheid van die Ouditkomitee te verseker en bepaal dat die aanstelling van lede nie 'n aaneenlopende termyn van ses jaar oorskry nie.

Dit word dus aanbeveel dat me R Gani vir 'n verdere termyn van drie jaar aangestel word, aangesien sy 'n waardevolle bydrae lewer tot die funksionering van die eksterne ouditkomitee.

**BESLUIT**

Dat die ampstermyn van me R Gani nie die tydperk van ses jaar oorskry, soos aangedui in Omsendbrief 65 van die MFMA nie, en ten einde die kontinuïteit en voortbestaan van die komitee te verseker:

- (a) Goedkeuring verleen word vir die hernuwing van me R Gani se kontrak as lid van die gekombineerde Prestasie- Riskio en Ouditkomitee vir 'n verdere ampstermyn van 1 Augustus 2023 tot 31 Julie 2026;
- (b) Kennis geneem word dat me Gani is toegewyd en gedurende die afgelope ampstermyn uitstekende diens gelewer het.

**7.3 KAPITAALSPANDERING VIR DIE 2022/2023 FINANSIËLE JAAR (2/4/2)**

Met 'n Spesiale Aansuiweringsbegroting het die Raad op 30 Maart 2023 goedkeuring verleen vir die allokering van R10 945 000 wat ontvang was vanaf die provinsiale regering. Die doel van die finansiële bydrae aan munisipaliteite is vir die aankoop en installering van rugsteun-energievoorsiening vir water- en sanitasiefasiliteite om basiese dienslewering te verseker en potensiële gesondheidsrisiko's te voorkom.

7.3/...

Die Direkoraat: Siviele Ingenieursdienste het so spoedig moontlik na die allokering 'n aanvang geneem met die tenderproses en het die tenders gesluit op 21 April 2023. Die tender is op 18 Mei 2023 toegeken en het die suksesvolle tender aangedui dat die afleweringstydperk tot 38 weke kan beloop.

Die Provinsiale Tesourie het op 12 Julie 2023 goedkeuring verleen dat die fondse by wyse van 'n Oorrol Aansuiweringsbegroting in die 2023/2024 finansiële jaar spandeer kan word.

Met voormelde as agtergrond het die verslag ten doel om aan te beveel dat die toegekende fondse uitgelaat word in die berekening van die persentasie kapitaalspandering vir die 2023/2024 finansiële jaar.

### **BESLUIT**

(op voorstel van rdh T van Essen, gesekondeer deur rdl N Smit)

- (a) Dat kennis geneem word van die poging wat aangewend is deur die Direkoraat: Siviele Ingenieursdienste om so spoedig moontlik na die rapportering van die befondsing tydens die Raadsvergadering van 31 Maart 2023, op tenders uit te gaan vir rugsteun-generators ten bedrae van R10 945 000;
- (b) Dat verdere kennis geneem word dat die tender op 18 Mei 2023 toegeken is met 'n voltooiingstydperk van 38 weke;
- (c) Dat die persentasie kapitaalspandering op kapitaalprojekte vir 2022/2023 finansiële jaar as volg is:
  - R10 945 000 ingesluit = 91.23%
  - R10 945 000 uitgesluit = 95.77%
- (d) Dat, met voormelde in ag genome, goedkeuring verleen word om die befondsing nie in aanmerking te neem vir die berekening van die persentasie kapitaalspandering op kapitaalprojekte vir die 2022/2023 finansiële jaar nie;
- (e) Dat die beginsel aanvaar word dat enige gelde wat na 31 Januarie ontvang word, nie in berekening gebring word om die persentasie kapitaalspandering op kapitaalprojekte vir die betrokke finansiële jaar te bepaal nie.

### **7.4 KWARTAALVERSLAG OOR DIE PRESTASIE VAN KONTRAKTEURS (8/1/B/2)**

Die verslag insake die kwartaallikse prestasie-evaluering van kontrakteurs wat ingevolge die Voorsieningskanaalbestuursbeleid aangestel is, word voorgelê ter voldoening aan Artikel 116(2) van die MFMA en die kernprestasie-indikator van die Munisipale Bestuurder.

### **BESLUIT**

Dat kennis geneem word van die kwartaallikse verslag insake die prestasie van kontrakteurs vir die periode 1 April 2023 tot 30 Junie 2023.

### **7.5 JAARVERSLAG INSAKE DIE IMPLEMENTERING VAN DIE VOORSIENINGKANAALBESTUURSBELEID VIR DIE FINANSIËLE JAAR EINDIGEND 30 JUNIE 2023 (8/1/B/2)**

Regulasie 6(2)(a)(i) van die *Municipal Supply Chain Management Regulations* bepaal dat daar jaarliks 'n verslag aan die Raad voorgelê moet word aangaande die implementering van die Voorsieningskanaalbestuursbeleid.

Die jaarverslag vir die periode 1 Julie 2022 tot 30 Junie 2023 is met die sakelys gesirkuleer.

Besluit/...

7.5/...

**BESLUIT**

(op voorstel van rdl A K Warnick, gesekondeer deur rdl D G Bess)

- (a) Dat kennis geneem word van die jaarverslag insake die implementering van die Voorsieningskanaalbestuursbeleid gedurende die 2022/2023 finansiële jaar ingevolge artikel 6(2)(a)(i) van die Regulasies, asook die verslae van die Formele Tenders (Aanhangsel A), Informele Tenders (Aanhangsel B) en die Afwykingsverslag (Aanhangsel C);
- (b) Dat verder kennis geneem word van die dienste gelewer vir die tydperk 1 April 2023 tot 30 Junie 2023 met verwysing na die uitsonderings waar dit onprakties was om die mark te toets en dus 'n afwyking van die verkrygingsprosesse ingevolge paragraaf 2(6) van die Voorsieningskanaalbestuursbeleid genoodsaak het (Aanhangsel D). Kennis moet geneem word dat betalings nog in die 2022/2023 finansiële jaar gefinaliseer moet word en sal enige verskille ten opsigte van Kwartaal 4 ingevolge wetgewing in die volgende kwartaalverslag vermeld word, onderhewig aan die transaksies/syfers wat die volledigheid van die finansiële state mag beïnvloed.

**7.6 UITSTAANDE DEBITEURE: JUNIE 2023 (5/7/1/1)**

'n Volledige verslag van die stand van uitstaande debiteure is met die sakelys gesirkuleer.

**BESLUIT**

(op voorstel van rdl N Smit, gesekondeer deur rdl D G Bess)

Dat kennis geneem word van die verslag aangaande die stand van Swartland Munisipaliteit se uitstaande debiteure vir Junie 2023.

**7.7 VORDERING MET UITSTAANDE VERSEKERINGSEISE (5/14/3/5)**

Ingevolge die Batebestuursbeleid moet maandeliks verslag gedoen word insake die uitstaande versekeringseise.

**BESLUIT**

Dat kennis geneem word van die stand van uitstaande versekeringseise tot en met 30 Junie 2023 soos met die sakelys gesirkuleer.

**7.8 VERHUUR VAN GEBOU TE LANGSTRAAT, ABBOTSDALE (12/1/3/1-1/1)**

Die Raad verhuur die gebou op Erf 604, Langstraat, Abbotsdale aan die ACVV vir doeleindes van die uitvoering van hul gemeenskapsaktiwiteite.

Die Direkteur: Korporatiewe Dienste noem dat die organisasie 'n waardevolle bydrae lewer tot die gemeenskap en word die aansoek om die gebou vir 'n verdere vyf jaar te huur, ondersteun.

**BESLUIT**

(opvoorstel van rdl J M de Beer, gesekondeer deur rdl A K Warnick)

- (a) Dat die gebou geleë te Erf 604, Abbotsdale vir 'n verdere termyn van vyf (5) jaar, met ingang 1 Augustus 2023, aan die ACVV verhuur word vir doeleindes van hul gemeenskapsaktiwiteite;
- (b) Dat die huurgeld vasgestel word op R200.00 per jaar, BTW uitgesluit.

**7.9 AFWYKING VAN VOORGESKREWE VERKYRINGSPROSEDURES: HERSTEL VAN CASE 580T LAAIGRAAF, CK 43210 (8/1/B/2)**

Die Case 580T Laaigraaf is aangewend tydens die konstruksie van die GAP-behuisingsprojek in Darling vir die grawe van slote vir die aanlê van kables. Die voertuig het onklaar geraak en kon glad nie weer aangeskakel word nie.

7.9/...

'n Naby geleë werkwinkel, Darling Herstel Dienste, wat bekend is vir die herstel van swaarvoertuie is genader om die laaigraaf in te sleep na die werkwinkel waarna die skade bepaal is.

**BESLUIT**

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om die herstel van die laaigraaf, CK 43210, deur *Darling Herstel Dienste* ten bedrae van R69 506,00 (BTW uitgesluit) goed te keur;
- (c) Dat die redes vir die afwyking van die voorgeskrewe verkrygingsproses soos volg aangeteken word:
  - (i) die laaigraaf het onklaar geraak gedurende die uitvoering van 'n kapitaalprojek by die Darling GAP-behuisingsprojek;
  - (ii) die diensverskaffer kon eers die skade bepaal en 'n kwotasie voorsien nadat die masjien uitmekaar gehaal is;
  - (iii) die herstel van die voertuig was dringend ten einde die projek te voltooi en is gevolglik as 'n noodgeval hanteer;
- (d) Dat die uitgawe ten bedrae van R69 506,00 (BTW uitgesluit) teen posnommer: 9/7-25-5 verreken word en dat daar voldoende fondse beskikbaar is;
- (e) Dat die Bestuurder: Finansiële State in terme van die Voorsieningkanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

**7.10 AFWYKING VAN VOORGESKREWE VERKRYGINGSPROSEDURES: HERSTEL VAN SKAKELTUIG BY BRUG-SUBSTASIE (8/1/B/2)**

'n Interne fout op een van die stroombekers is ervaar tydens gure weer by die 11kV Brug-substasie. Die toevoer kon tydelik herstel word deur van die ringnetwerk gebruik te maak, maar die herstel van die substasie is as 'n noodgeval hanteer om enige verdere kragverliese te voorkom.

**BESLUIT**

(op voorstel van rdl A K Warnick, gesecondeer deur rdl D G Bess)

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om die dringende herstel van die Brug-substasie deur *ABB* ten bedrae van R104 419,00 (BTW uitgesluit) goed te keur;
- (c) Dat rede vir die afwyking van die voorgeskrewe verkrygingsproses is dat die skade aan die skakeltuig by die Brug-substasie as gevolg van 'n interne isolasie fout as 'n noodgeval op die netwerk beskou is;
- (d) Dat die uitgawe ten bedrae van R69 506,00 (BTW uitgesluit) teen posnommer: 9/7-25-5 verreken word en dat daar voldoende fondse beskikbaar is;
- (e) Dat die Bestuurder: Finansiële State in terme van die Voorsieningkanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

**7.11 AFWYKING VAN VOORGESKREWE VERKRYGINGSPROSEDURES: HERSTEL VAN BESKADIGDE VERKEERSLIGTE (8/1/B/2)**

Die kabel wat/...

7.11/...

Die kabel wat die verkeersligte op die h/v Bokomoweg en Hoogstraat van elektrisiteit voorsien is deur 'n boukontraakteur beskadig. Verder is drie verkeersligpale by die Darlingweg-kruising met die N7-oprit na Moorreesburg deur 'n dronk bestuurder omgery.

Beide hierdie interseksies is baie besig en die herstel van die verkeersligte is as 'n noodgeval hanteer.

### **BESLUIT**

(op voorstel van rdl A K Warnick, gesecondeer deur rdh T van Essen)

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om die herstel van die verkeersligte – wat veroorsaak was deur eksterne kragte – in Darling- en Bokomoweg deur *RJV Works* ten bedrae van R103 300,52 (BTW ingesluit) goed te keur;
- (c) Dat die redes vir die afwyking van die voorgeskrewe verkrygingsproses soos volg aangeteken word:
  - (i) die verkeersligte is deur eksterne kragte beskadig, naamlik –
    - 'n kontrakteur wat die kragkabel beskadig het;
    - 'n dronk bestuurder wat die verkeersligpale omgery het;
- (d) Dat die uitgawe ten bedrae van R103 300,52 (BTW ingesluit) teen posnommers 9/253-747-1123 en 9/252-1103-3450 verreken word en dat daar voldoende fondse beskikbaar is;
- (e) Dat die Bestuurder: Finansiële State in terme van die Voorsieningkanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

### **7.12 AFWYKING VAN VOORGESKREWE VERKRYGINGSPROSEDURES: AANSTELLING VAN DIENSVERSKAFFER VIR DIE OPGRADERING VAN DIE REMTOETSMASJIE SE SAGTEWARE EN KLIBRERING VAN DIE TOERUSTING BY DIE MALMESBURY VOERTUIGTOETSENTRUM (8/1/B/2)**

Die Munisipaliteit beskik oor twee toetsentrum by onderskeidelik die Malmesbury en Moorreesburg Verkeersafdeling. Die sagteware en remtoetsmasjien by die Malmesbury Verkeersafdeling is verouderd met die gevolg dat resultate nie onmiddellik beskikbaar is nie en dat daar nie voldoende word aan die SANS-standaarde nie. Laasgenoemde standaard bepaal verder dat die toerusting op 'n jaarlikse basis gekalibreer moet word.

### **BESLUIT**

(op voorstel van rdl A K Warnick, gesecondeer deur rdl N Smit)

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om die kwotasie van *Workshop Electronic (Pty) Ltd* te aanvaar vir die opgradering van die sagteware van die remtoetsmasjien en kalibrering van die toerusting by die Malmesbury Voertuigtoetstasie ten bedrae van R36 064,80 (BTW uitgesluit) goed te keur;
- (c) Dat die redes vir die afwyking van die voorgeskrewe verkrygingsproses soos volg aangeteken word:
  - (i) die *Militron*-remtoetsmasjien is aangekoop vanaf *Workshop Electronics (Pty) Ltd* wat die vervaardiger van hierdie tipe toerusting is;

7.12/(c)...

- (ii) Slegs *Workshop Electronic (Pty) Ltd* kan hul eie toerusting kalibreer en verstellings doen om die toetsmasjiene;
- (iii) Dit sou onprakties wees om drie kwotasies aan te vra;
- (d) Dat die uitgawe ten bedrae van R36 046,80 (BTW uitgesluit) teen posnommer 9/245-677-317 verreken word en dat daar voldoende fondse beskikbaar is;
- (e) Dat die Bestuurder: Finansiële State in terme van die Voorsiening-kanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

**(GET) J H CLEOPHAS**  
**UITVOERENDE BURGEMEESTER**